

四庫全書

子部

欽定四庫全書

子部  
普濟方卷四百四

詳校官太醫院八品吏目臣黃發

編修臣倉聖脈覆勛

總校官進士臣繆琪

校對官修撰臣吳錫齡

謄錄監生臣陳觀龍

欽定四庫全書

普濟方卷四百四

明

周王朱楠撰

嬰孩痘疹門

痘疹大小便不通

痘疹本因熱而出熱勢甚則其出愈難蓋熱盛則榮衛  
為之閉塞毒氣滋蔓裏毒盛者大便不通小便如血表  
毒盛者或為癰瘡身上皮破裂此由不善解利之故救  
之之法宜犀角地黄湯小柴胡加生地黄湯四順飲牛

黃散紫雪散之類可選用之○凡痘瘡盛出身熱煩渴  
腹脹而喘大小便澀面赤悶亂宜八正散四順飲不道  
用宣風散

方

利毒丸 治小兒瘡疹欲出胃熱發溫壯氣脞腹滿大  
小便赤澀睡中驚煩渴口舌乾手足微冷睡時發涎  
實脉沉大滑數便宜服之

大黃

半兩

膩粉

錢炒一

大青

一錢

龍腦

檳榔

硃砂

各半錢

生牽牛

取末一錢半

黃芩

青黛

各一錢一方作二錢

右為細末麪糊為丸如黃米大每二歲兒服八九生

姜蜜水下不動再服量兒大小虛實加減

川黃散

治麤瘡及斑瘡大便不通

川大黃

剉碎微炒

川芎

各一兩

甘草

炙

黃芩

微炙

枳殼

麤炒去穢各半兩

右為末每服一錢水一小盞入紫草少許煎五分去

滓溫服

敗毒牛黃丹 治瘡疹出定大便不通瘡出膿汁不乾

真牛黃

川大黃

末各一兩

粉霜

真硃砂

末各一兩

右同研勻煉蜜為丸如黍米大每服十粒煎人參湯

下量大小加減

棗變百祥丸 治斑疹大便秘結

紅芽大戟

去骨一兩

青州棗

去核三十個

右水一碗同煎至水盡為度大戟不用將棗焙可作

劑旋丸從少至多以利為度

治小兒四五日不大便者

用肥猪脰一塊白水淡煮切如豆大與兒食之令臟腑滋潤大便通利

燈心散 治瘡疹出後煩喘小便利者

燈心一把

鱉甲

二兩醋  
炙黃

右咬咀白水煎服量兒大小為劑

五苓散 治小兒赤澀

加燈心十莖麥門冬去心車前子各半錢煎湯調又

人參湯加枳殼去瓤切少許治大便秘結內煩外熱  
未效更加四順清涼飲少許

瘡疹倒靨

附論

凡痘瘡內虛不能出者謂之陷伏外感風寒或被惡氣  
衝觸而不得出者謂之倒靨然有始末輕重不同如斑  
點之始熱毒方運出亦有陷伏亦有倒靨若外感風寒  
肌竅閉塞血凝不行必身疼四肢微厥斑點不長或變  
黑色或青紫癰疹此為倒靨也宜溫服發散如紫草蟬



退人齒殭蚕紫背荷葉之類溫散寒邪然後熱氣復行  
而其斑出辛苦胃虛而不能副榮衛者則復沒斑點白  
色或黑色其人必不能乳食大便自利或吐或厥此胃  
虛而不能出謂之陷伏也宜用溫中之劑令其胃暖榮  
衛復行則當自出矣宜理中湯丁香散之類即甚至  
附硫桂亦可用血泡為中者是紅斑出齊之後其狀如  
豆起於肌皮之上乃未結膿泡痂疔之前證也血泡七  
日當結膿窠痂疔當此或風寒乘襲而為倒靨或胃虛

吐利而為陷伏者治之亦如前法又有房室等雜氣觸犯而然者當用諸甲蒼朮乳香胡荽等法熏解之良方腦子猪血酒治毒氣入臟而不出○黑陷而耳尻及熱者瘡痘惟腎無証以其不納穢故也當其發作之初及血泡之際一身但熱而尻耳自涼此即腎之平證也蓋尻耳皆屬於腎今一旦黑陷是變壞歸腎邪既衰脾土復旺身熱氣溫欲飲水者可治以脾能勝腎而去溫熱也百祥丸主之即活人書論厥陰陽傷寒土敗木敗急

用成氣湯皆是不得已而用之僥倖十救一二而已○  
瘡黑有逆順者大凡黑靨陷伏本是逆証然亦有順者  
謂脾強可以勝腎雖黑靨而忽瀉膿血痂皮者為順此  
必舊服補脾藥故令脾氣不得衰毒雖入腹皆瀉出也  
經云脾病則五臟危今脾土既盛他悉無慮矣黑靨而  
逆者謂脾虛不能制腎乳食不消水穀雜下脾虛受毒  
四臟皆因而危殆然古人云病在腑者易治在臟者難  
治瘡黑乃變壞入臟雖得脾胃強盛是亦九死一生之

證耳黑靨而發寒者瘡痘黑靨有四証一感風二毒氣  
大盛毒復入裏三內虛無陽氣以應之四房室雜氣等  
觸犯所得之因既不同用藥救療豈得不異感風寒則  
宜溫散毒氣盛宜利小便解毒內虛宜溫裏觸犯宜熏  
解大抵黑陷而發寒者重不發寒者輕其証乃脾弱為  
腎所勝錢氏用百祥丸以瀉膀胱之毒令陽氣復還脾  
土溫暖所謂瀉膀胱經水必令脾土自勝也

方

大快斑丸 治斑疹倒靨黑陷惡候

辰砂 一錢  
紫草耳 半兩  
川升麻  
鈎藤鈎

赤小豆 各半兩  
甘草 炒一錢  
乾地龍 去土焙三錢

右為細末煉蜜為丸如櫻桃大硃砂為衣每服一丸  
石榴湯化下末用溫水與乳汁化下

治瘡疹倒靨黑陷 一名猪尾膏

用小猪兒尾尖取血三五點研入生龍腦少許新水  
調下食後

治小兒伏熱在心昏迷不醒或悞服熱藥搗搦冒昧不  
省人事瘡疹倒靨黑陷時發及赤瘡子未透心狂躁氣  
喘妄語或見鬼神

用生梅花腦子一字或半字取新殺猪心一箇破其  
血同研作大丸用新汲水下之如未醒或瘡疹陷伏  
者再將溫酒化下一名龍腦膏用紫草湯化下

猪血膏 治小兒瘡痘欲出及陷伏者皆宜速治不爾  
毒氣入臟必致危困

臘月猪血

取鉢盛掛當  
風處令乾

右取半棗大以龍腦如大豆許酒調下蕪沉方云加  
棗豆粉半棗許同研病微者消之甚者發之瘡出而  
安一家小女病傷寒腸疼極甚晝夜號哭手足厥數  
日漸加昏篤形証危惡是時例發痘瘡予疑其為陷  
欲以此服之先不收此藥急就屠家買生猪血時當盛  
暑血至已敗惡無可奈何多以龍腦香灌之一服遂  
得少睡須臾身熱發瘡點遂安不爾幾至不救矣

又方

用黑狗糞日乾為末用麝香酒調下

百祥丸

治瘡疹倒靨黑陷寒顫噤牙戛齒身黃紫腫

三服不愈死一名南陽丸

右紅牙大戟不拘多少陰乾漿煮極軟去骨日中暴

乾復內汁中煮汁盡焙乾為末水丸如粟米大每服

一二十九丸研赤脂麻湯調下吐利用無時一方以煎

藥為細末二歲兒炒半錢研脂麻湯調下尋常小兒



睡中憂齒者是腎經風熱或是驚風入骨一服即效  
後與驚藥更不再服

宣毒膏 治毒氣瘡疹已出不快倒靨急服此藥曾經

大效 臘月八日刺獷猪尾取血一升用新瓦盆盛

好硃砂

別研  
水飛

乳香

別研各  
一分

甘草末

馬牙硝

別研各  
半兩

腦子

別研  
各

麝香

別研各  
一分

右修事畢同猪尾血拌和用一寬舊竹筒底下留一  
節入藥在內以紙數重繫合於筒口邊通一竅以麻

索子縛了垂側屋梁上至清明日取出爆乾更入腦  
麝各一錢研細滴水丸如皂子大每服量多少人參  
湯化下若毒盛瘡黑倒靨者服之即紅活再長神妙  
治瘡疹大便不固其痘漸黑陷靨即宜服此嬰兒乳母  
同服

人參 白茯苓 白朮 肉苳蔻

黃耆 各半 甘草 炙二錢

右咬咀每服一錢水半盞生姜一片棗子半枚煎至

三分去滓服乳母倍之若大瀉手足厥冷加附子用  
驗方

治小兒斑疹黑陷方

用臘月禿鼻腦子或一個或二個以好酒浸調服若  
乾者以好酒浸少時化開依上調服立效

治瘡疹不透乾黑危困神效

用柿楂子不拘多少為細末每服二錢紫草酒調下  
小兒量大小加減徐徐進三兩服即紅活蘇韜光云

其家累世用此甚佳柿櫨子圖紅本草名棠棣子第  
二十三卷云惟滁州者入藥

治瘡疹黑陷

鐵脚歲靈仙

為末一錢炒

腦子一分

右用溫水調下服之取下瘡痂為效

治斑瘡倒靨方

胡粉

一箇燒灰存性

乾胭脂

三錢

右研為極細末用胡荽煎酒每服調下一錢無時服

之立效

再甦散

治小兒被諸惡觸着瘡子毒氣入裏瘡變黑色須臾不救急宜用此藥服之

白礬

熱令  
汁枯

地龍

去土炒各  
二錢半

右為末每服半錢用獾猪尾上血如龍眼核大同新水少許調服日三服效一方用蘇合香丸用胡荽酒化服或焚熏

人齒散

治小兒倒靨出不快發斑俗名蛇皮痘及變

黑寒顛憂齒一名退陷散

人齒

五枚燒  
灰存性

麝香

半字

右用研為末分作三服温酒調下不飲酒湯亦可一  
方細研酒調入獷猪尾血三五滴同服之或紫草升  
麻湯皆可小兒齒尤佳

治瘡子出未透黑靨者

用乾猴攄子肉為末湯調服微者汗出不妨纔覺紅  
却醋煮黃頰魚食之魚去腸肚不去涎立紅活又黑

陷口渴荔枝殼煎湯溫服立紅活

治瘡痘倒靨不出

牛蒡子

半兩  
炒

紫草

一分

右為細末每服一錢麝香少許溫酒調下不過三服

立愈

又方

乾葛

一錢  
剉

胡荽

五分

右用無灰酒一處煎濃汁令子母俱飲效

治小兒一切斑瘡倒靨欲死者

右用十二月八角兒七箇湏石榴樹上生空者不用  
以瓦盆上火煨成灰研細用葶筒吹入鼻中大有神  
效

又方

用人中白臘月者最佳通風處以火煨成煤水調三  
五錢陷者自出

又方



蟬退

末一錢

龍腦

皂角子大

猪心血

三皂角子大

右研為膏酒泡紫草化下即身熱紅活

周天散 治瘡黑陷項強目直視腹脹喘急發搐及一

切惡候

蟬退

五錢

地龍

一兩去土

右為末小者半錢大者一錢研乳香湯調服連二服瘡出即愈

神通散 治瘡疹毒氣少大小便利倒伏不出

生乾地黄

炒乾

地龍

緊曲者去上  
微炒各一兩

已上搗羅為細末次用好硃砂一兩細研水飛

右同拌勻每服一字煎胡荽酒少許同溫湯調下

倍金散 療小兒瘡疹倒靨黑色

虎杖花

炒二兩

神麴

炒半兩

杖花

山果子

和核各一兩

右為麤末每服一錢水八分入荊芥七穗紫草一根

煎至四分去滓溫服

抵聖散

治小兒斑瘡不及出而反入者

右取十二月老鷓左翅不拘多少風中令乾辰日燒  
為灰用中等獐猪嘴上刺血為丸如鷄頭大每一丸  
取獐猪尾上血少許溫水同化下如或未效三兩時  
間更一服

救生散 治小兒瘡疹膿泡惡候危困陷下黑色

獐猪血

臘月內以新瓦罐子內盛掛於屋東角陰乾取末

馬牙硝

研各一兩

硼砂

腦麝

硃砂

牛黃

各一錢

右同研極細每二歲兒取一錢新汲水調下大便下

惡物瘡泡紅色為度不過再服

脫殼散

用鷄抱出殼子於新瓦上焙乾去膜取殼搗研如粉  
遇小兒斑瘡倒靨不出或臟腑糞黑頭瘡昏睡不醒  
用酒調一字塗兒唇上令兒舐或以酒調塗風池背  
上心前或熱湯調一字喫

化斑散 治小兒斑瘡

石膏

火煨或濕紙裹炮令透為末或用  
泥團燒之取出去火毒為細末

知母

切片  
焙乾

為細末

右各等分熟水調一字服之或調塗唇上頭疼除昏  
發泄瘡子此名高母化斑散治小兒斑瘡此二方極  
妙然後方恐太涼

治小兒瘡疹倒靨不出者

人齒

一枚燒  
灰研細

赤小豆

七粒  
為末

右同作一服薄荷溫酒調下

治小兒斑瘡倒靨并黑色者

謂之鬼瘡子初出狀光忽  
然黑陷心煩惟燥氣喘妄

語或見鬼神並宜速治  
不然毒氣入臟必死

用人齒不拘多少炭灰研細積豬尾血調下二錢移

時再服

一方酒調下

又方

赤馬糞

乾者

白礬

各一兩

右入甘鍋子內以礬在下用泥固濟牢固用炭灰三斤煨以火盡為度候冷取出細研入腦麝各一字再研勻十歲以下半錢七十歲已上一錢七芫荽酒調

下更有熱疾加減

治瘡子倒靨方

用臘月中犬糞燒灰為末入龍腦少許細研每服半錢新水下

治大人小兒瘡子倒靨方

白花蛇

連骨一兩慢火炙令乾勿焦

大丁香

二十一粒

右為末大人每服一大錢小兒半錢以水解淡酒調下如黑靨者服之移時重紅

治瘡子倒靨方

用橄欖核中截斷水磨少許服立發

麻黃湯 治斑瘡倒靨

用麻黃三十寸去節蜜炒令香紫色為度水一盞  
煎六分服余得此方後往知襄州仙源縣值工筆  
李用之子斑瘡倒靨已至危困投此藥一服瘡子  
便出其應如神未至胃爛便血者皆可治一法用  
灰治煎



治瘡子倒靨

用濕生蟲不計多少焙乾為末酒調下一字

加味宣風散

治腎虛証瘡疹變黑

鷄心檳榔

二個

陳皮

去白

青皮

去穰

甘草

炙各二錢半

黑牽牛

二兩半生半炒熟

右為末蜜湯調下氣怯者加南木香一錢先下黑糞

次下乾糞後以四君子湯加厚朴木香陳米湯服和

胃良久糞黃瘡自微出以胡荽煎酒傳其身即發起

獨聖散 治瘡疹陷入發黑色而欲絕服此漸蘇紅潤  
用穿山甲湯洗淨炒令焦黃為末每服半錢入麝香  
少許南木香煎湯調下一方葱白煎湯調下或紫草  
煎湯入紅酒少許服之一方用麝香當門子少許每  
一歲半錢三歲一錢只溫酒調下一服見效雖遍身  
黑欲絕亦能漸蘇而發紅但目閉無魂者不治

靈砂酒 治疹瘡黑陷不起

用靈砂以好酒磨化三五粒服之效

紫雪湯 治小兒瘡疹倒靨

紫草茸

地龍 去土  
等分

右為麤末每服二錢用水酒共七分煎至四分去滓

溫服

丁香散 治小兒瘡疹倒靨黑色及出不快

丁香

鹿肉 乾者各  
半兩 紫草 一分

右為細散每服二錢酒一盞入麝香少許煎至半盞  
放冷灌之如人行三二里再服立發紅色

通聖散 治小兒瘡痘靨伏黑陷

雄黃

通明者  
研水飛

麝香

用當上門子  
為末各半錢

右同研細只作一劑一歲兒作三服溫酒調下

治小兒瘡子倒靨黑陷方

白殭蚕

蟬退

去上  
等分

右為麤末水一盞半煎至半盞去滓分作二服微熱服立出

黑金散 治小兒瘡子黑陷不出

猪懸蹄甲 半兩 蛇蛻皮 三條 鯪鯉甲 一分

猬皮 一枚 鷓翅 一對 蛤粉 一分

右六味都入在磁瓶內用鹽泥固濟燒一宿研為細散一二歲兒每服半錢猪尾血溫湯調下不出再服再生散 治小兒瘡泡正出忽變紫色或作黑陷喘急

神昏

人齒 五枚  
燒灰

蝎尾 五條  
燒灰

右件研勻每服半錢溫酒或煎葱白湯調下不拘時

服

治小兒瘡痘作變惡証皆可服

人參一錢 茯苓一錢 紫草一錢 木香半錢

附子三片

右為咬咀生姜三片棗子一枚水煎服

神聖丸 治小兒瘡疹黑陷倒靨服之速效

無椒鹽餛餅

一箇  
去皮

右用臘月活兔兒取血就和餛餅搗三四百下丸如

梧桐子大每服三五丸好酒化下不拘時候若嚥下  
咽喉須臾發瘡疹紅活大有神效

### 發斑紫草散

紫草

甘草

糯米

元云此味極  
好助胃氣

黃芪

等分

右為末水煎服辛亥樵隱孫先出麻疹又發痘瘡黑  
陷亢拱辰出此方愈亢云錢氏紫草散有枳殼難服

### 瘡疹發斑

附論

夫小兒斑毒之病者是熱氣入於胃也夫胃主肌肉其

熱氣夾毒蘊積於胃毒氣熏發於肌肉狀如蚊蚤所嚙  
赤斑徧體此病或是傷寒或時氣或溫病由風熱不時  
以故熱入於胃變成此毒乃發斑也凡發赤斑者五生  
一死黑者十死一生也○楊氏曰或陽証而誤溫藥或  
當汗不汗當下失下或汗下未解陽熱內盛蒸滯外迫  
熱毒入胃或胃寒毒至春始發或冬暖人受乖臭之氣  
至天氣暄熱始作皆能發斑蓋熱必傷血血熱不散裏  
實表虛以致熱氣虛出於皮膚輕則如瘡子重則如錦



紋謹勿妄汗之重令開泄瘡爛凡斑若見急宜早治日  
子稍延獨陽絕陽不可救治斑之方萌與蚊迹相似凡  
發斑之証若內外熱熾胃爛難救矣或如錦紋起如餅  
搭者難治若初發色紅漸次黯黑面色初黑及初發便  
如黑痣不治紅斑五生一死黑斑十死一生蓋發斑者  
皆胃熱陽毒盛而陰脉伏或大便自利或氣短燥糞久  
不通皆危証也○發斑多在胸腰間關前陽脉洪大病  
人昏憤先紅後赤者斑也蚊迹多在手足之間關脉不

洪病人自靜先紅後黃是也○楊氏治法通用升麻葛根湯敗毒散犀角地黃湯熱盛玄參升麻湯生姜烏梅煎黃連一物湯米煎熱病發斑時氣發斑大青四物湯黑膏大熱可下少與調胃承氣湯孫兆用白虎加人參湯血熱內結小柴胡湯瀕用紫草川芎倍加生地黃為佐

方

犀角散 治小兒陽毒壅盛發斑心躁皮膚焮痛

犀角屑 川升麻 白鮮皮 梔子仁 漏蘆

川大黃

炒對

赤芍藥

甘草

炙各半兩

寒水石

一兩

右為散每服一錢以水一小盞煎至五分去滓不拘

時量兒大小加減服

大青散 治小兒熱毒發斑不止心神煩悶

大青

半兩炒

玄參

半兩

川升麻

半兩

梔子仁

半兩

甘草

半兩炙判

川大黃

半兩炒

右件為散每服一錢以水一小盞煎至五分去滓不

拘時候量兒大小加減服之

大黃散 治小兒斑瘡大便壅滯宜服

川大黃

半兩  
劉炒

甘草

半兩  
炙

黃芩

半兩

枳殼

半兩  
炒黃

麩

右件為末不計時候以新汲水調下一錢三歲以下  
可服半錢

又方

犀角屑

一分

川升麻

一分

川大黃

半兩  
炒

甘草

半分  
炙

右為散每服一錢以水一盞煎至五分去滓量兒大

小加減服之

葛根橘皮湯 治溫毒發斑爛癰疹如錦紋或咳嗽心

悶但嘔清汁

知母

甘草

麻黃

杏仁

葛根

橘皮

黃芩

各半  
兩

右以咀每服五錢水一盞煎至六分量大小溫服

玄參升麻湯 治傷寒毒氣不散表虛裏實熱發於外

身斑如錦紋甚者煩躁兼治咽閉腫痛

玄參

升麻

甘草

各半兩

右咬咀每服五錢水一盞煎至七分量兒大小服

調胃承氣湯 治熱留胃中發斑及服熱藥過多亦發

斑此藥主之

大黃

芒硝

甘草

各等分

右用水盞半先煎大黃甘草姜三片煎六分後入硝

煎去滓溫服

紫草散 發斑疹

鈎藤鈎子

紫草茸

各等分

右為細末每服一字或半錢溫酒調下無時

黑膏 治溫毒發斑

豆豉 一合

生地黃

四兩切

右用豬脂半斤合和露之煎令三分取二分去滓再入雄黃麝末攪和量大小服之其毒從皮膚中出則愈忌蕪荑

治小兒發斑散惡毒氣

用葵菜葉絞取汁少與服之

治斑瘡

用屋上爛茅和醬汁研傅之

治小兒斑瘡及痘瘡心躁眠卧不安

用川升麻不計多少細剉水一盞煎滓取汁以綿露  
汁洗拭瘡癩上

治小兒發斑瘡

用石榴葉不拘多少為散每服一字或半字溫調下



發斑藥

用珠子七粒研碎用新水調勻服之

瘡痘攻咽喉

附論

夫瘡痘攻咽喉者心胃有熱上攻於咽乾澀而疼如煎口舌生瘡齒浮齦腫者宜甘露飲水漿不下者紫雪散最妙如聖湯抱龍丸消毒飲皆可選而用之

方

神仙紫雪散

治大人小兒一切熱毒胃熱發斑消痘泡

赭疹及傷寒熱入胃發并小兒驚癇涎厥走馬急疔  
熱疔黃瘦喉脾腫痛及瘡疹毒攻咽喉水漿不下

黃金

一百兩

寒水石

石膏

各三斤

犀角

羚羊角

各十兩

玄參

一斤

沉香

丁香

各五兩

木香

甘草

八兩

升麻

六兩皆  
咬咀

右以水五斗煮金至三斗去金不用入諸藥再煎至  
一斗濾去滓投上好芒硝二斤半微火煎以柳木篋  
攪勿停手候欲凝入盆中更下研硃砂真麝香各三

兩急攪勻候冷貯於密器中勿見風每服一錢溫水  
化下小兒半錢一字咽喉危急捻少許乾嚥之

地黃丸 治小兒瘡疹口瘡咽喉腫痛牙疳臭爛

天門冬 麥門冬 玄參 甘草

各二兩

薄荷葉

各一兩

右為細末熬生地黃汁和丸櫻桃大每服一九溫蜜  
水化服

甘草桔梗升麻湯 治小兒斑出欲透皮膚身熱咽喉

不利

甘草

半兩

桔梗

升麻

半兩

右剉細末每服二錢水煎

桔梗甘草防風湯

治小兒疹子出已發熱咳嗽或口

舌生瘡咽乾壯熱飲水咳嗽痰涎不利服之無不愈者

桔梗

甘草

炙

防風

各等分

右為粗散每服三錢水一大盞煎至六分去滓溫服

不拘時候量大小加減服

甘露飲子 治心胃熱咽痛口舌生瘡并瘡疹已發並

可服又治熱氣上攻牙斷腫牙齒動搖兼大便秘

甘草

剉炒

石斛

去苗

枇杷葉

去毛

山茵陳葉

枳殼

麩炒  
去瓢

黃芩

去心

生熟乾地黄

焙秤

天麥門冬

各去心  
焙秤

右各等分為粗末每服二錢水一盞煎至八分食後

溫服牙齒搖斷腫熱含嗽潔并服一方無枇杷葉

如聖湯 治小兒瘡疹毒攻咽喉腫痛及咽嗑口舌生瘡不能吮乳一名如聖麥門冬散

桔梗

甘草

生

牛蒡子

炒各一兩

麥門冬

去心半兩

右為細末每服二錢沸湯點細呷服入竹葉煎尤妙一方加荊芥防風重者入竹瀝兒小乳母無孕者亦可服

紫河車散 療小兒斑瘡毒氣不解攻咽喉音聲不出古頰生瘡渴逆煩悶潮熱面赤

紫河車

茜草根

貫衆

各一兩

芍藥

甘草

各半兩

右為粗末每服一錢水七分生姜二片煎至四分去

滓溫服之一方加菜子一兩

鼠粘子湯

治小兒痘瘡收靨者身熱大便堅實口舌

生瘡咽喉腫痛此是餘毒未散又名消腫飲

鼠粘子

一兩  
微炒

甘草

川升麻

荊芥

防風

各二錢半

右吹咀每服三錢水一盞煎六分量大小加減服

解毒防風湯

防風 一兩 地骨皮 黃耆 芍藥 荆芥

枳殼

鼠粘子

各半兩

右為粗末每服四五錢水煎服

桔梗湯 如斑已出只時時與之快咽喉寬利胸膈

桔梗

二錢

生甘草 一錢

右吹咀作一服水一盞煎半盞不拘時候服之如見傷食証又見斑証先於不犯大黃巴豆藥尅化過再與升麻湯如食重傷煎藥不過再與犯大黃巴豆藥



過之

牛蒡散 治小兒斑瘡及疹痘未出一切毒瘡咽喉腫

痛涼膈去癥

牛蒡子

一兩炒

荆芥

二兩半

白芷

半兩

全蝎

三錢

甘草

三錢

防風

半兩

右為末水七分盞煎服如大便自利者不宜服此

治痘瘡後餘毒上攻咽喉閉塞語聲不出

用蛇退不拘多少麻油潑上燒存性碾為末以砂糖

拌和捻作餅子嚼下

瘡疹吐利

附論

凡痘瘡正出吐泄不食忽增寒戛齒者瘡心黑陷喉中  
涎喘蓋兒生受風冷血氣虛弱即變此証難治多死宜  
用益黃散甚者金液丹並食前服吐泄定後思食証平  
復方可用發瘡痘藥設或妄投亦必生癰腫也

方

一證紅斑方出胃虛吐利或傷涼藥侵損胃虛弱不食

陷而不出宜用溫裏之劑理中湯重者用薑附靈砂大抵用藥或熱隨証輕重以救一時之急不可拘以常法又不可太過也

理中湯

人參

去蘆

白朮

白薑

炮

甘草

各等分

右剉姜棗煎重者加炮附子

或稟受怯弱脾虛冷大便自利手足厥冷宜理中湯益黃散輩可救裏溫出也

胃愛散 調理小兒膚虛吐泄如斑瘡未出醫人不識  
形候將使冷藥冰却瘡子致令內伏不出將此胃愛  
散調理如身體汗即不用控心散發也如無汗出即  
用控心散發之後下羗活散與胃愛散

糯米 一兩 乾淡木瓜 三分 甘草 一分 藿香葉

紫蘇葉 各一分 丁香 二十五粒已上六味  
一處同炒焦黃為度

右件藥同一處令乾碾為細末每服一錢半煎粟米  
棗子湯調下量兒大小為劑

紫草木香湯 治瘡出不快大便泄利

紫草 木香 茯苓 白朮 甘草

炒各等分

右剉散每服二錢水一盞加糯米三十粒煎溫服蓋紫草能利大便木香白朮所以佐之也

肉豆蔻丸 治痘瘡已出泄瀉發渴水穀不化或澀或瀉淡黃色者致令瘡痘難出難靨非特痘瘡一證其餘藏寒泄痢尤宜服之

木香

半兩

縮砂仁

三錢

白龍骨

半兩

訶子肉

半兩

肉豆蔻

赤石脂

七錢半

枯白礬

七錢半

右為細末稠麵糊為丸如黍米大一週歲兒每服三五十九三歲兒服百丸溫水飲下瀉甚者異攻散吞下瀉止住服不止多服一方或瀉水殺白色淡黃色木香散下

五味香丸 治瘡疹初出一日至七日如瀉三行者便可服

木香

半兩

白龍骨

訶子肉

赤石脂

各半兩

肉豆蔻

二錢半

右為細末麪糊丸如黍米大一週歲兒服三五十九  
三歲兒服百丸溫米飲湯下日三服不拘時候三服  
不止者難救如瀉米穀者即難治之證

瘡疹入眼

附論

凡痘瘡欲出先攻目赤腫不開次出瘡痘不甚紅活有  
痰者設或妄投須損眼目宜以調肝散護目生銀丸并  
珍珠丸化痰更宜對証用藥也○瘡痘盛出熱毒氣攻

則斑瘡入眼多食毒物亦爾若覺眼腫或赤痛多淚時  
時與開看睛無瘡即不害若有瘡赤腫者宜用四順飲  
每日食後一服常令微利毒消平愈不爾害目○幼幼  
新書云龍木論治小兒斑瘡入眼外障此眼初患時不  
論大小須患斑瘡一度瘡子患時覺入眼中即須將息  
慎忌若不忘口將息即便疼痛淚出赤澁怕日難開腫  
痛翳如銀色此為熱氣在肝上衝入眼肝膈壅毒致成  
膈翳宜用秦皮湯洗之然後服涼肝丸

二方並見本門亦不宜



藏洗出血點鍼挑撥疼痛定後即點退翳藥亦得方效  
○惠濟論小兒疹瘡入眼候歌斑痘將生眼不開淚流  
頻有熱橫顛如桃腫赤如錐痛此疾應知入眼來莫與  
醋漿及毒物鷄鵝少食免生災急救製造歲靈散百日  
無踰尚可回○小兒疹痘初發便令煎油滌散子之類  
令兒食之每哺兒切忌醬醋五味馬牛鷄鵝野味等物  
止令食淡熟猪肉淡粥飯餅餌之類不能久食淡入少  
鹽無害又於清晨未起時抱兒於井上令自頭菜豆

七粒於井中云使兒斑瘡不入眼又小兒瘡疹若食熟  
鷄鵝等物未有不損眼目者雖瘡疹已可尚宜數月勿

食

方

調肝散 治痘瘡熟毒大盛令不入目

犀角

如無以升  
麻代之

大黃

剉炒

桑白皮

鈎藤

甘草

炙各  
五錢

天花粉

石膏

煨

黃芩

木通

防風

荆芥

牛蒡子

炒

紫草

陳皮

去白

龍膽草

去蘆各  
二錢

右剉白水煎食後溫服

鷄翎散

治小兒斑瘡入眼

輕粉

半錢

粉霜

一錢

右同研地上用炭火三兩塊傾在火上急以碗蓋之  
頻頻揭碗看纔候無烟生即住揭用鷄翎掃碗內水  
銀作一處是一服如人患左眼傾入左耳內患右眼  
傾入右耳內所患眼便開得其瘡自愈

仙靈脾散 治斑瘡入眼

仙靈脾

葳靈仙

各等分

右為末食後米飲調下量兒大小用之

黃蘗膏 治小兒疹痘出後即須愛護面目勿令沾染  
欲用胡荽酒噴時先用此方塗面上然後方可噴四  
肢大人嬰兒孩有此疾悉用之

黃蘗

一兩

菜豆

一兩半

甘草

四兩生用

右為末再研令細後以生麻油調如薄膏從耳前眼

唇並厚塗日三五遍上塗面後可用胡荽酒噴早用  
此方塗於面上令不生疹痘如此方塗遲縱出疹痘  
亦少諸家方愛護面目者皆以此方治療分兩用治  
皆同惟疹痘論一科用菜豆粉三兩半

芥子膏 治瘡痘令不入眼

用白芥菜子為末水調傅足心熱毒歸下

淨心散 治痘瘡出盡便宜服之如入眼自退

蛇退

一條  
燒灰

甘草

五錢生  
為末

不蛀皂角

五挺  
燒灰

右研勻小兒半錢熱水調服

治大人小兒瘡疹出護眼目

右纔覺患以鹽花少許湯浸了令溫洗兩眼晝夕可服三兩度大人以指搵鹽花水點眼肉旋以帛子拭之初用眼即多痛用三上後即不覺痛不計大人小兒或患欲退時眼內有餘熱者亦宜用此法洗點

治瘡疹入眼

馬屁勃

半兩

皂角子

十四粒

蛇皮

半兩

右入小礮子內鹽泥固濟燒存性研細溫酒調下三錢食後服

蛇皮散 治瘡疹入目成翳一名子肝散

栝蒌根

半兩

蛇皮

二錢

右為細末羊子肝一箇批開入藥末二錢麻線纏定米泔煮熟頻與食之未能食肝與乳母多食如少小未能食即半肝令熟研和為丸如黃豆大以米泔下十九或乳上與亦可日三服

又方仙退散 治証與前同

用蟬殼末水煎羊子肝湯調服二三錢凡痘瘡纔欲  
着痂用酥或面油不住潤之可搗再搗去若不潤及  
遲搗痂疔瘡硬即隱癩痕

蟬蛻散 治斑瘡入眼半年已後者一月取效

猪懸蹄甲

二兩入碓內鹽  
泥固濟燒存性

蟬蛻

去土用  
末一兩

右為末入羚羊角細末一分令勻每服一字百日外  
兒半歲三歲已上一二錢溫水或新水調下日三四



夜一二服不服一年已外難治項孝忠守官江南每置羚羊角輒得山羊角正如石膏寒水石之相易也羚羊角纖細而節紋極密京師甌馬人多用以馬啣鉄是也山羊角粗長又節紋稀當是京師用為正一方用猪肝湯調下

穀精草散 治小兒痘瘡已靨眼目翳膜遮障瞳人癢  
澁淚出久而不退者餘毒熏蒸眼目或因悞食煎燂  
熱物所致

穀精草 一兩

生蛤粉 二兩

右為細末，豬肝一葉用竹刀批作片子，搗藥在內，用草繩縛定，以篋器內貯米泔一碗，慢火煮熟，令兒食之一方。臨卧細嚼，却用原煮米泔送下。忌一切毒物等項。云豬肝煮熟入磁瓶內熏眼，却服之一方。用青竹葉十片同煎熏服。一方用生黑豆皮二錢。

決明散 治小兒瘡疹痘入眼 一名瓜蒌散

決明子

赤芍藥

甘草

各一分

瓜蒌根

半兩

右為末三歲半錢蜜水調下食後日進三服效

撥明散 治小兒瘡痘入眼生翳一名撥雲散

用桑螵蛸真者一兩炙令焦為末麝香少許和劑三歲半錢米泔湯調下食後

通聖散 治小兒瘡痘入眼及生翳障一名豆皮飲

白菊花 菘豆皮 穀精草

去根各一兩

右為末三歲一錢乾柿一箇生粟米泔一盞共一處煎候米泔盡只將乾柿去核食之不拘時一日可三

枚五七日可救遠者半月餘效一方有夜明沙一兩  
又名菊花散

浮萍散 治小兒患痘瘡入眼疼痛恐傷目

用浮萍草陰乾為末三歲一錢半肝一斤入盞內杵  
子搗碎爛入沸湯半盞絞汁調下食後三兩服立效  
一方投水半合甚者一服差傷目者十服差一方用  
羊子肝又治陰囊腫色如琉璃三歲一錢葱白湯調  
下

兔肝丸 治小兒斑瘡入眼雖赤白障遮交眼睛但得  
瞳子不陷皆能治

黃蘗

去皮

石決明

生用

蒼朮

各半兩

右為末兔肝丸如小豆大三歲三十九米湯下食後  
服

涼肝丸

防風

二兩

人參

赤茯苓

一兩半

羌蔚子

黃芩

黑參

大黃

知母

各一兩

右為末蜜九菟豆大食後茶下量兒大小為劑

秦皮湯

秦皮

二兩

秦艽

細辛

防風

各一兩

甘草

半兩

右白水煎淋洗

葳靈仙散

治小兒斑瘡雀目眼生翳障遮瞞

葳靈仙

仙靈脾

甘草

赤茯苓

子苓

青箱子

大青

赤芍藥

大黃

各等分

右為末羊肝搽藥筋葉麻皮纏縛米泔煮熟放冷吃

量兒大小用之一方用獾猪膽二箇批開搽藥在內

金華散 治痘瘡入眼昏暗翳膜遮障

黃連

菊花

枸杞子

各一兩

甘草

三分

牛蒡子

半兩

右為末薄荷湯調食後服量兒大小用之明目除昏  
暗退翳膜常服大效

治小兒出瘡疹眼內有雲翳

輕粉

黃丹

各等分

右以竹筒吹在耳內左眼有翳吹在右耳右眼有翳

吹在左耳即退

透耳藥 治斑瘡疹入眼

硃砂 一錢

粉霜 八分

右研為極細末水調少許用銅匙頭傾一兩點於耳  
內中後用前通聖散

治小兒斑瘡入眼

硃砂

腦子

水銀

麝香

已上各  
等分

右為細末用水銀調滴入耳中



治瘡疹入眼

右法候瘡疹安後以兔屎焙乾為末茶清下頻頻服  
即安仍治昏翳

羌蟬散 治小兒瘡疹後毒氣不散生翳障睛并治暴

赤眼疼痛生翳遮障羞明一名羌菊散

羌活

蟬蛻

去足  
翼上

防風

蛇退

菊花

穀精草

木賊

甘草

梔子

大黃

白蒺藜

黃連

沙苑蒺藜

各等分

右為末每服半錢白湯調下或米泔調下

護目膏

治小兒痘瘡不入眼內及截斑毒或瘡痘後

熱毒壅盛眼目障翳或瘡痘入眼而生翳者一名黃

藥膏

黃藥

一兩

甘草

四兩  
生用

紅花

二兩

棗豆粉

一兩  
半

右為末生芝蔴清油調塗兩眼外四畔頻頻塗之面上不生瘡疹若塗此藥瘡痘稀少或胭脂傳之亦可若用胡荽酒尤能護目

决明丸 治小兒斑瘡入眼雖赤白障翳遮漫黑暗但得童子不陷者皆可治之

石决明

煨

川芎

黄蘗

各一兩

蒼朮

半兩

右為細末用兔肝或無以白羯羊肝代之研爛投和丸如菜豆大每服三十丸食後臨卧米泔下

治痘瘡入眼

用穀精草煮白柿喫仍用菜豆根燒灰淋泔以上面澄清者洗下面濃者服之

七退散 治痘瘡後眼生翳

雄鷄脚粗黃皮 鷲脚黃皮 抱鷄子殼

人指甲

蟬蛻

猪後脚懸爪

不點地者

羯羊角

右焙乾或日乾為細末煎菴活湯調下

羊肝散 治小兒痘瘡入眼及無辜氣入眼

蜜蒙花

三兩

青葙子

決明子

車前子

各一兩

右為細末各別收之每取蜜蒙花末三錢餘藥各一錢拌勻用羊肝一大片薄批搽上濕紙裏煨熟量多

少空心食之一名密蒙散

治瘡入眼

用局方洗心散洗肝散加乾柿菊花谷精草菜豆大  
殼同煎嚼生葱薄荷食後服

養生必用 治目暴赤腫痛少兒斑瘡入眼

棘剛子

炒香

蔓菁子

絹袋盛飯上蒸熟取出焙乾炒令香

甘草

炙

木賊

去節各等分

右為末沸湯點一錢食後服日三

决明丹 治疹痘瘡後毒氣入眼

决明子

蜜蒙花

各一兩

青箱子

車前子

川黃連

去

羯羊角

屑各半兩

右為細末煮羊肝一具切破同諸藥搗一二百下丸如黍米大每服二十粒荆芥湯下乳食後量兒大小

加減

麩仁散

麩仁

去皮

黃芩

梔子仁

黃連

黃蘗皮

川升麻

甘草

足各  
一兩

右為細末每服二錢用水一盞煎至六分去滓食後

溫服量兒大小如生翳障重者兼蜜蒙花散

蜜蒙花散

治疹痘瘡并諸毒氣入眼昏生翳膜

蜜蒙花

三兩別  
為末

井水石

青箱子

決明子

車前子

各一  
兩

右為細末蜜蒙花散半錢末與麩仁散半錢相和合

羊肝一片切破慘藥末在肝內濕紙裹火煨令熟空

心量力食翳膜退即止

泉石散 治小兒風熱攻眼及斑瘡入眼

井泉石

先為末再  
研水飛

蟬蛻

蛇皮

甘草

三味炙已  
上各一兩

右為末每服半錢至一錢蜜水調下忌油膩

羚羊角丸

治眼昏澁赤腫侵睛淚多或作翳障

羚羊角

屑

黃芩

大黃

芥菜子

各二錢半

當歸

玄參

甘草

炙

木賊

蟬殼

去足

珍珠

末一作  
硃砂

決明子

炒各半兩

荊芥穗

川白芷

二兩

蒼朮

用米泔汁  
浸一宿焙



乾各  
二兩 羗活 一兩

右為末煉蜜為丸如彈子大每服一丸食後用荊芥  
茶湯嚼下小兒斑瘡入眼看兒大小加減用蟬蛻湯  
化下食後服

治孩子痘瘡入眼

麩仁

桃仁

各二箇去  
皮尖用

膩粉

龍腦

硃砂

牙硝

各一錢  
研極細

右用白沙蜜調末炙三次收之每用一粟米許點之

立效

治小兒斑瘡入眼

黃連

菊花

蜜蒙花

各半兩

蛇皮

一條燒灰存性

甘草

一分

右為散煉蜜丸如菉豆大冷菉豆湯下五九十九加

減用

蛇退散 治小兒斑瘡入眼

蛇蛻皮

馬屁勃

皂角

不蛀者

殼精草

右各等分同入瓦藏瓶內用鹽泥固濟木炭火燒令  
通赤出於地坑子內出火毒候冷取出細研為末每  
服一字溫米泔調下

樺皮散 治小兒斑瘡入眼及裏黑睛

樺皮

頭髮

蛇蛻皮

各半兩

右細淨器內點火燒之候煙盡研細每服半錢煎黑  
豆湯入酒三滴調下日五服

又方

用蚕沙燒灰為末每服一錢以米泔研生菘豆七粒  
調下每夜一服病去即止

治斑瘡入眼方

用黃芩為末臘月內黃牛膽內就吊於北陰中旋丸  
菘豆大麴湯下五丸只一服退隔年者三服三年外  
者不醫

治小兒瘡疹入眼方

地骨皮

鹽豉

等分於新  
凡上焙焦

右為末服一錢陳粟米飲調下日三服神效

治小兒斑瘡入眼

用生鱈魚以針刺血貯器內點入眼即愈甚佳

治斑瘡入眼方

斑瘡入眼豈尋常

熱氣流來到此方

鶴頂神膏君記取

謂塗藥如鶴頂

移時病退號醫良

黃芩散

黃芩

山梔子

黃丹

各等分

右為末用牛蒡子菜杵汁調塗在頂門

蟬退散 治斑瘡翳障眼不見光明宜服之如睛爆破

不可醫

蟬蛻

去上

蛇皮

炙

川升麻

蒺藜

炒去

黃連

炒

穀精草

大青草

仙靈脾

歲靈仙

井泉石

各半兩

硃砂

研

螺粉

各一分

右為細末每服半錢蜜水調下大人小兒加減服

甘菊花散

治小兒斑瘡入眼

甘菊花

穀精草

石決明

各等分

右為末每服二錢水一盞入乾柿一箇同煎至七分

乾柿細嚼服

治小兒目中痘瘡成翳方

大黃

炒為末  
二錢

水銀

半錢

右用男子口津唾化水銀為泥次入大黃末方入冷

水調塗頰上如乾用水溫之乃效

治痘瘡入眼腫痛不可開黑靨不出

用斷續即蟬蛻為細末以薄荷汁調傅一二次便能  
開若瘡黑靨不出溫熱水調下一二錢即出乳母服  
亦可凡小兒初患痘瘡先用胭脂塗眼令瘡不入眼  
中不得洗面生水入眼即損眼

治諸眼翳昏風痒方

用真杏仁三五十粒水浸去皮尖細嚼和津液吞五  
更端坐常服杏仁潤肝去塵滓也

加減四物湯 治斑瘡入目或瘡痘收後服之



當歸尾 芍藥 川芎 蒼朮 白菊花

乾葛

羌活

各等分

右剉散每服水一盞藥末二錢入生地黃少許槌碎  
同煎半盞量兒大小服之乳食後服忌一切動毒物  
雖愈後忌三二日方可

蟬菊散

治斑瘡入目或病後生翳障

蟬退

淨洗去塵上

白菊花

各等分

右剉散每服二錢水一盞入蜜少許煎乳食後量兒

大小與之屢驗

洗方

用黃連去鬚白滑石調青絹帛包泡湯候溫洗

塞耳丹 治疹瘡入眼

用水銀一錢號丹五錢同丸作六丸入鎔銀鍋中圓瓦上蓋濕紙糊護定用香爐盛炭火燒一日後取出以薄綿裹之疹瘡在右則塞右耳在左則塞左耳立見墜下

瀉青丸

方見嬰孩  
肝臟門類

海藏云東垣先生治斑後風熱毒翳膜氣暈遮睛以  
此劑瀉之大效初覺易治

補肝丸

四物湯內加防風羌活等分為細末煉蜜為丸是也  
銷肝散

瀉青丸去梔子大黃治腹虛

治小兒痘疹眼生翳膜

用淨洗手用蓖片刮指甲屑焙令燥研細成末點麻  
子大人翳上兩日間自落極妙

透闕散 治小兒斑瘡初作眼患痛澁羞明怕日出淚  
頻多或已覺漸成白翳子宜用神效

用葦澄茄不拘多少為細末每以少許吹入鼻中於  
食後頻頻吹之諸證皆可用之

大效點明膏 治斑瘡眼患只在百日以內治之容易  
久即氣定難以調理

用掘取土中覆盆根處有生路傍樹高五七尺者淨  
洗搗取粉澄濾令細日乾每用蜜和以少許點白丁  
上令其自消自散日二三次點用驗

治小兒斑瘡入眼

用蒺藜麩炒炙甘草羌活防風等分搗每服二錢漿  
水下撥雲見日直到老

柴胡散 治眼胞患斑瘡熱衝透睛中疼痛淚出翳如  
銀片腫溢難開

柴胡

黃芩

芍藥

各等分

甘草

一分

右剉散每服三錢水二盞煎大人小兒加減服兼以藥煎洗之

治小兒痘瘡後眼上生膜

葳靈仙

仙靈脾

川芎

等分

右為末用不下水猪肝薄批片子撒藥末於上捲之用麻線縛之如此數捲碗內盛飯上蒸熟去線令兒喫之自然落下

奇犀散 治小兒斑瘡痘毒入眼但不枯破其餘證候  
悉治之半月即愈瘡子安後服此藥清肝膈永遠無

疾證

犀角

猪

薄荷子

如無以  
葉代之

羌活

麻黃

去節

木賊

去節各  
九錢

石決明

赤芍藥

甘草

白蒺藜

炒去  
刺

瓜蒌根

各一  
分

人參

去蘆  
九錢

羚羊角

鎊九  
錢

右為細末每服一錢或半錢小兒蜜湯大人清茶調

下夜卧食後服

决明散

治小兒斑瘡熱毒攻肝上衝目遂生障翳

寒水石

火煨通赤取出  
地上去火毒

甘草

生用各  
一兩

垺子胭脂

錢一

右為細末每服半錢用生米泔水調下乳食後

消翳丸

治小兒斑瘡眼生障翳

硃砂

研

指甲末

不拘童男子女先以水淨洗指  
甲拭乾用木賊草擦取細末

右等分再同研令極細以露水搜和丸如芥子大每  
用一粒於夜卧時以新筆蘸水點在眼內至中夜更

點一粒



撥雲散 治痘瘡入眼

羌活

去蘆

防風

甘草

炙

柴胡

各等分

右為細末每服二錢水一中盞煎至七分食後臨卧服忌藏鹽鮓醬濕麪火上炙煨發風毒等物

蜜蒙花散 治如前

蜜蒙花

棟洗

羌活

去蘆

菊花

去枝梗并土

木賊

去根節

石決明

煨同時漉出搗碎如粉

東流水煮一伏

杜蒺藜

炒去

去

去

右等分為細末每服一錢臘茶清調下食後日二服

烏豆麥門冬湯

治瘡痘眼目赤腫癰澁疼痛淚出羞

明

烏豆

小者  
二兩

麥門冬

去心  
一兩

右二味用水三升同煮令烏豆爛熟為度將藥湯放  
溫時時抄與兒服乳母喫烏豆麥門冬如三五歲兒  
可令嚼喫如烏睛突高者難治

蒼朮散

治斑瘡入眼

蒼朮

一兩

槐花

藁本

蛇退

防風

枸杞

白茯苓

各三錢

黃芩

川芎

各半兩

木賊

甘草

白菊花

各二錢

蟬退

四錢

乳香

沒藥

各半錢

硬石膏

煨半兩

乾葛

一兩

右件為細末用白水煎食後加穀精草三錢半尤妙

菊花散

治痘瘡入眼

白菊花

三兩

菘豆殼

蜜蒙花

旋復花

穀精草

甘草

各一兩

右為吐咀每服一錢乾柿一枝粟米泔一盞煎乾泔  
為度取乾柿食後服

復明散 治小兒大人斑瘡入眼或成翳膜或眼睛高  
出而不枯損者雖年歲深遠並可治之

草龍膽

去蘆頭

麻黃

去節

右二味各等分為細末每服三錢食後炙鼠肝香熟  
蘸藥食之二服服藥五六日後眼白睛與翳膜皆粉  
紅色眼覺痒澁不得揉動亦不可疑此是翳膜漸退

也頻用溫鹽湯洗之瘡大者日三服小兒更量大小  
加減服之如不食鼠肝只用第二次淘粟米生泔水  
調下

紫貝散 治斑瘡丁子入眼

紫貝

一箇即  
田螺也

右生為末用羊子肝批開搽末一錢線纏米泔煮香  
熟入小口瓶器盛乘熱燻候冷於星下露一宿來早  
空心喫不過一螺可愈

治小兒痘瘡入眼方

用蛇蛻五寸煮菜豆去皮只喫豆神效

瘡疹便膿血

附論

夫瘡痘欲安而不曾傷食有肚疼者是痘毒大盛氣血凝結腹中不散久必作膿血痢宜用四物湯加瞿粟皮大便堅實或瀉焦黃或熟或不熟有肚疼者四順飲若瀉白酸臭傷食肚疼者先益黃散後解毒丸令微利再用益黃散○便血或下黑糞睡不醒者裏毒大盛其證

甚惡犀角地黃湯抱龍丸小柴胡加生地黃主之

方

薤白湯 治小兒瘡疹其或下痢赤黃膿血及渾身熱  
當服

薤白 半錢切

豆豉 一盞

山梔子 十枚

右用水五盞同煎薤白爛為度去滓量大小服之解  
去惡積

牛黃散 治小兒瘡疹陽毒入胃便血日夜無節度腹

痛啼哭

牛黃 一錢

鬱金 一兩

右研為末每二歲兒服半錢以漿水半盞煎至三分  
和滓溫服量大小以此增減之日二服

黃連阿膠湯 治小兒斑疹餘毒下痢膿血

黃連 半兩 微炒 黃栢

梔子 微炒 阿膠 三分 炒燥各

右為麤末每服二錢水半盞煎六分去滓溫服量大

小加減日進二服



治小兒瘡疹之後大便膿血

用山梔子當歸煎湯下黃連阿膠丸

瘡疹後解餘毒

附論

病後解利當觀虛實瘡疹後當解利此世俗通論然小兒稟受既實榮衛充壯病後有熱者宜與解利其証大便難小便赤能食而渴大段熱甚者宜大黃散留熱在胃嘔吐而口舌生瘡或下利黃赤者宜黃連散煩渴而小便少者宜五苓散餘熱溫壯齒疼或腫者宜甘露飲

咽疼者宜抱龍丸如聖湯肝有熱毒多怒叫而不得眠者宜調肝散大腸下血疼痛者宜牛蒡散三黃煎艾湯生癰者宜小柴胡加生地黄湯犀角地黄湯無熱証者但當隨時安養而已或其所稟素弱瘡痘既出之後榮衛大虛坐立振搖大便不秘小便不赤飲食不甚進者宜胃愛散異功散雙和湯之類以扶持之其後飲食如故起居稍勝榮衛既充然後微微解利至虛之人不必解利常見虛怯小兒不應解利而強與解利遂為寒

中為下利生病多端也○餘毒作嘔吐者有冷熱之不  
同如心煩作渴食乳甚急聚滿中膈吐出如射其人面  
帶赤手足心熱居處喜涼此熱吐也如乳食水漿隨吐  
面色清白手足冷大小便自利此冷吐也熱者竹茹湯  
五苓散竹葉石膏湯加橘皮之類主之冷者益黃散理  
中湯丸主之要之病後餘毒多是熱邪其間冷証十有  
一二也○病後忽遍身青黑色手足癱瘓口噤涎聲如  
鋸者此中風也宜消風散入蟬蛻投生姜薄荷汁酒各

數點飲之或小續命湯去桂附子加荊芥亦可也○病後非時發搐搦者宜抱龍丸小柴胡加生地黄之類病後胃弱不能勝穀謂之食蒸發搐其人潮熱及大便酸臭秘泄不調或嘔血腹疼宜紫雪丸小承氣湯其作痘癰結腫者宜用小柴胡湯加生地黄為佳如升麻湯消毒飲犀角地黄湯皆可選而用也病後大小便不通者四順飲承氣湯五苓散導赤散之類便膿血者牛黃散犀角地黄湯黃連解毒散三黃丸等選而用之餘毒咳

嗽脇痛者赤茯苓湯小柴胡加五味子桔梗枳殼等煩  
渴五苓散竹葉石膏湯黃連散燈心散主之

方

全功散 治痘瘡收靨解利餘毒

天花粉 防風 黃芩 升麻 羌活

荊芥穗 川芎 牛蒡子炒 鬱金 紫草

甘草 枳殼 木通 赤茯苓 豬苓

黃連去毛 縮砂仁 陳皮 糯米炒 當歸

麥門冬 去心

右等分白水煎不拘時服

連翹散 治瘡疹壯熱小便不通餘毒未解

連翹 瞿麥 荆芥 車前子 木通

赤芍藥 當歸 去尾 防風 柴胡 去鬚 滑石

煇退 甘草 炒 山梔子 去殼 黃芩 各一錢

右剉散每服二錢加紫草煎溫服

五福化丹丸 治瘡疹餘毒上攻口齒及治蘊積毒熱

驚悸狂躁頰赤咽乾口舌生瘡夜卧不寧譫語煩渴  
頭面身體多生瘡癩赤眼等疾一名青黛丸

人參

半兩 玄參

半兩 茯苓

一兩 青黛

甘草

各半兩

各半兩

桔梗

一兩 牙硝

半兩 麝香

腦子

各半錢

一方無

腦子有金銀箔

右為末蜜丸每兩作十二丸一歲兒一九分四服用

薄荷湯下瘡疹上攻口齒涎血臭氣生地黃自然汁

化一丸用鷄翎刷在口內熱瘡肌肉黃瘦雀目夜不

見物陳粟米泔水化下食後臨睡服一方磨生犀水

化下

大和散 治瘡痘後寒熱往來嗜卧煩躁悶亂

生地黃 地骨皮 人參 川當歸

洗去蘆

甘草

赤芍藥

各等分

右㕮咀每服一錢水半盞煎至三分去滓通口服

柴胡湯 治痘瘡靨後渾身餘熱不退若有大熱經日

不除一名二參飲一名柴胡麥門冬湯

柴胡

甘草

玄參

龍膽草

各一錢半



麥門冬

三錢半  
去心

人參

去蘆二  
錢半

右以咀每服三錢水一大盞煎六分去滓稍熱服不拘時候量兒大小加減服

辛夷散

治痘瘡出後有痘瘡生塞鼻中不能睡卧

用辛夷即木筆花研為細末加麝香少許以葱白蘸藥末入鼻中數次即通

三黃熟艾湯

治瘡正出下利黃赤膿血身熱大渴乃

毒入大腸宜解其毒使瘡出也

黃芩

黃連

黃柏

熟艾

各等分

右剉水煎或加糯米紫草甘草煎服

四順飲

治瘡疽積熱壅盛心經蘊毒熱氣如體虛弱

者不可服又治一切丹毒積熱壅滯咽喉腫痛

當歸

赤芍藥

甘草

大黃

虛者煨用實者生用

右剉糯米煎服但令大便通潤

大黃散

治小兒疹痘瘡出盡後宜服之一名參黃散

黃芩

玄參

川大黃

剉碎微炒各半兩

右麤羅為散每服一錢以水一盞煎至六分去滓方  
溫量兒大小加減服之

黃芩散 若瘡毒出盡後宜服之以解餘毒

黃芩

大黃

各半兩

玄參

六錢

山梔子仁

三分

右為麤末一兩水二升煎至八合去滓量大小服嘔

吐當先定

槐花散 治嬰孩小兒斑瘡餘熱不退

槐花

赤小豆

炒各二錢

麝香

少許研

右為細末每服半錢用蜜湯調下三四歲一字已上用溫酒調下只進一服腹中微利即用調胃觀音散補之

牛黃生金散 解利瘡子

虎杖

滑石

各一兩

甘草

二錢半

藿香

一錢

右為細末每服一錢半水八分煎至三分去滓通口服兒大增之

射干鼠粘子散 治痘瘡靨後身有小熱壯熱大便堅

實口舌生瘡咽喉腫痛頤頷結核皆由瘡毒未盡而然

鼠粘子

炒一兩

升麻

甘草

炙

射干

各三錢半

右咬咀每服三錢水一盞煎六分溫服不拘時

消毒加味犀角飲 治毒氣壅遏壯熱心煩瘡疹雖出

未能勻透口舌生瘡不能吮乳

牛蒡子

炒三兩

荆芥穗

五錢

甘草

炙一兩

防風

川升麻

各一錢半

右劉散每服二錢水一盞煎去滓令溫時時令呷或  
頻灌之大便秘者不宜服

雄黃散 治小兒因痘瘡牙斷生疔蝕瘡

雄黃 一錢

銅綠 二錢

右同研極細量瘡大小乾搽其上

解毒散 治小兒瘡痘毒盛身熱癰疽咳嗽有痰氣急  
并瘡痘正出傷肚疼及解諸藥毒

雄黃 一分

巴豆

二十七粒去油

鬱金 一分

右為末白糊為丸如小豆大三歲三丸薄荷湯下食  
前如咳嗽痰喘食後服一方加半夏一分

百草膏 治痘風瘡

用羊糞晒乾燒灰清油調塗

必勝湯 治瘡疱將出未能勻徧透肌解毒

用惡實不拘多少炒熟粗搗晒每服二錢入荆芥二  
穗水一小盞同煎至六分去滓放溫分作三服如瘡  
疹已出後與服亦妙

黃連散 治瘡毒出盡服黃芩散以解餘毒嘔吐先定  
尚口亦有瘡下部亦有瘡自下利者

黃連

厚朴

各一兩

陳皮

杏仁

枳實

麻黃

去節

乾葛

各半兩

右㕮咀白水煎服量兒大小為劑

大承氣湯

厚朴

八兩

大黃

四兩

枳實

一兩

右為粗末每服五錢水二盞煎八分入芒硝一錢七



去滓服

比金丸 治瘡痘後餘毒不解

輕粉

滑石

各一錢半

南星

一錢

青黛 半錢

右為細末糊丸小豆大一歲一丸薄荷湯下

清肌散 治瘡痘後餘毒未除瘡痕濕爛皮膚未平復者

黃蘗

一兩猪膽炙

烏賊魚骨

去硬皮半兩

右為細末以臘月猪脂調塗患處

瘡疹後減癩痕

附論

凡痘瘡首尾不可出房宜虛裏處坐卧寒溫得所忌食  
動風肥膩等味頻與稀粥易能安愈凡瘡痘纔欲着痂  
即用酥蜜面油不住潤之可揭則揭遲則瘡硬成癩痕  
也纔發痂瘡人多不以油潤反以剥落早成癩痕誤也  
然既剥之後却不可早見風冷須當愛護不剥去或出  
風癩痕蜜陀僧水調傳之蒺藜散鷹矢白散馬齒莧散  
青金散皆可選而用也○傷寒發痘疹後減癩候傷寒

病發瘡者皆是熱毒所為其病折則瘡愈而毒氣尚未全散故瘡痂雖落其癩諸醫或凹凸肉起所以宜用消毒滅癩之藥以傳之

方

韶粉散 治小兒痘瘡纔愈而毒氣尚未全散瘡痂雖落其癩猶或凹凸肉起當用此藥塗之

韶粉

一兩一  
用胡粉

輕粉

一錢一  
用膩粉

右相研和入煉了猪脂油拌和如膏薄塗瘡癩上如

痘瘡欲落不落當減癩痕小兒痘瘡已靨未愈之間  
五臟未實肌肉尚虛血氣未得正復忽被風邪入於  
皮腠之間則津液澀滯故成疔蝕瘡也宜用雄黃散  
綿蠻散等藥治之久而不愈者潰骨傷筋以致殺人  
一方用羊肉骨髓一兩煉入蜜灑三沸入輕粉一錢  
研成白膏薨合盛之塗瘡上如痘瘡痒其誤搔成瘡  
及痂欲落不落用上等白蜜塗之其痂落亦無紫黑  
癩痕神效

蒺藜散 滅癩

白蒺藜子

淡豉

各一兩

山梔子仁

三兩

右為末用醋漿水調如泥每夜塗之來早以淡漿水洗去

又方

鷹屎白

一兩

衣中魚

三十箇

右研細入白蜜調和塗之

又方

馬齒莧

自然汁  
一升

煉成猪脂

三兩

右以漫火煎成膏日夜塗之簡易方名心腸膏加白蜜

青金散

治瘡熱疹痘癩不消

白蒺藜子

取末

山梔子

取末

青黛

別研各  
一兩

膩粉

一分

右研勻生麻油調塗瘡上

治瘡痘癩

用櫻桃仁研細傅之

百花膏

治痘瘡痒甚誤搔成瘡痂欲落不落者

用白蜜不拘多少塗於瘡上其痂易落且無疤癩亦  
不臭穢或用羊筒骨髓一兩煉入蜜滾三沸入輕粉  
少許研成膏磁合內盛之塗於瘡上

療小兒面上瘡痘子癩

用黃明膠漫火炙為末溫酒調服一錢痘出服之無  
癩未出服之瀉下

療小兒痘瘡癩靨

以蜜陀僧細研水調夜塗之明日水洗去平復矣

又方

牡蠣

煨為粉  
三兩

土瓜根 一兩

右搗細羅為散每夜取二錢用白蜜調塗面及瘡癩  
明旦以暖漿水洗之

又方

羊脬

一具用酒一升浸一宿米日攪  
濾去汁取羊脬盡去止取膜

牛酥 四兩

右入銀銚子內漫火煎三五沸新綿濾入淨器中盛  
每夜取塗面上來日用生甘草一兩以漿水二大盞



煎七八沸去滓放溫洗面

又方

猪脂 一斤

天鼠 二枚

右細切入銚子內煎煉令天鼠焦紋瀝取膏日夜摩塗瘡癩上

又方

用鷓鴣糞二兩研如粉以煉過臘月猪脂二合調攪令勻塗於瘡癩上效

又方

豉一升

羊糞二升

右相和以水一斗煎十餘沸去滓看冷暖洗浴瘡癩

又方

用黃蘗細剉二兩以水二升煎取一升去滓摩拭瘡

癩上

又方

用赤小豆末一兩以雞子白調了如稀飴塗瘡癩上

療痘瘡愈後欲無癍

宜頻搗去痂勿令隱肌乃不成癍縱搗傷有微血但以面膏塗即無苦也瘡痂不可食鷄鴨卵即時盲瞳子如卵白其應如神不可不戒

棟實膏 治小兒疹痘愈後滅癍痕

棟實

去核炒

槐子

各一兩

右並拍碎用狗脂鵞脂各四兩同於銅銚內以文武火煎一二十沸去滓入在瓷合中候凝癍痕日二度

又方

用蜆子活者以淮水或江水養五日旋取此水洗手  
面日漸生肉乃無癩痕一方用黃蜆煮汁洗面無蜆  
以螺螄代用

治天行瘡斑發頭面及身須臾周匝狀如大瘡皆戴白  
漿隨決隨生不即療數日必死差後瘡癩黧一歲方滅  
此惡毒之氣世人云建武中南陽擊虜將軍患虜瘡諸  
醫叅詳療之方取上好蜜通摩瘡上以蜜煎升麻拭之

治丹疹用蜜調硃砂入酒服仍研搽之

又方

用蕎麥粉醋調傳

又方

用梔子仁末水調傳

治瘡疹出後滿身腐爛臭穢

槐花

黃栢皮

白藥子

等分

右為末瘡爛處粉之乾處生地黃汁調傳



普濟方卷四百四